



საქართველოს საგარეო ეკონომიკური საქმიანობის ზოგიერთი ასპექტი

რეზიუმე

კონსტანტინე საბიაშვილი

სტუ-ს დოქტორანტი

E-mail: k.sabiashvili@icloud.com

საქართველოს ეკონომიკა განვითარების პროცესშია და მისი სრულყოფისთვის განსაკუთრებული მნიშვნელობა ენიჭება საგარეო ეკონომიკურ საქმიანობას, რომელსაც ზოგჯერ ეკონომიკურ დიპლომატიასაც უწოდებენ. საქართველოს კონსუტიტუციით და მოქმედი კანონმდებლობით საერთაშორისო ეკონომიკური საქმიანობა და საგარეო ვაჭრობა ცენტრალური ხელისუფლების ექსკლუზიური უფლებაა, ამით არის განპირობებული, რომ საგარეო ეკონომიკურ საქმიანობას კოორდინაციას უწევს საქართველოს საგარეო საქმეთა სამინისტროს. ამ მიზნით სამინისტროში შექმნილია შესაბამისი სტრუქტურები, ხორციელდება თანმიმდევრული ღონისძიებები.

საგარეო ეკონომიკური თანამშრომლობის მნიშვნელოვანი ნაბიჯებია გადადგმული დამოუკიდებელი საქართველოს არსებობის პირველივე წლებიდან. იქნება ეს გაერო-ს ეკონომიკური პროფილის სტრუქტურებთან, შავი ზღვის ეკონომიკური თანამშრომლობის ორგანიზაციასთან, ვაჭრობის მსოფლიო ორგანიზაციასთან, მსოფლიო ბანკთან, ევროპის რეკონსტრუქციისა და განვითარების ბანკთან თანამშრომლობა, თუ ის უმნიშვნელოვანესი ნაბიჯები რომლებიც გადადგმულია ევროკავშირთან მჭიდრო ურთიერთობის ჩამოყალიბების თვალსაზრისით, რაც საბოლოო ჯამში საშუალებას მისცემს საქართველოს გახდეს ევროპული ოჯახის სრულყოფილი წევრი.

საგარეო ეკონომიკურ სფეროში არსებული გამოწვევებზე რეაგირება იყო და რჩება საქართველოს ხელისუფლების უმთავრეს მიზნად.

საკვანძო სიტყვები: საქართველო, საერთაშორისო ეკონომიკა, გლობალიზაცია, საგარეო პოლიტიკა, საქართველოს საგარეო საქმეთა სამინისტრო, ვაჭრობის მსოფლიო ორგანიზაცია, შავი ზღვის ეკონომიკური თანამშრომლობა.

შესავალი. საგარეო ეკონომიკური საქმიანობა, რომელიც დიპლომატიური სამსახურის ერთ-ერთი უმნიშვნელოვანესი მიმართულებაა ზოგჯერ ეკონომიკური დიპლომატიის სახელითაც მოიხსენება და ის მრავალწახნაგოვანი და განსაკუთრებული სფეროა.

მსოფლიო ეკონომიკაში მიმდინარე გლობალ-

იზაციის პროცესი ახალი გამოწვევების წინაშე აყენებს საერთაშორისო არენაზე ეკონომიკური პოლიტიკის გატარებას. შესაბამისად იზრდება თანამედროვე დიპლომატიის ეკონომიკური შემადგენელი. საქართველოს დიპლომატიის, როგორც სხვა დიპლომატიური სამსახურის უმნიშვნელოვანეს ამოცანად გვესახება: ქვეყნის განვითარებისთვის კეთილსასურველი საგარეო გარემოს ჩამოყალიბება. მისი ეკონომიკის აღმავლობაზე ზრუნვა, საქართველოს საერთაშორისო ეკონომიკურ სივრცეში აქტიური ინტეგრაცია, ეფექტიანი და სასარგებლო ეკონომიკური კავშირების გაბმა, საერთაშორისო შრომის განაწილებაში სათანადო მონაწილეობის უზრუნველყოფა.

ნებისმიერი ქვეყნის ეკონომიკური ინტერესების დაცვა და განვითარება საგარეო პოლიტიკური კურსის უმნიშვნელოვანესი კომპონენტია, რომელიც მიმართულია ქვეყნის უსაფრთხოებისა და სუვერენიტეტის განმტკიცებისკენ. უპირატესად ეს არის ეკონომიკურად ძლიერ სახელმწიფოებთან თანამშრომლობის განმტკიცება, საერთაშორისო ბაზარში შედწევა და ადგილის მოპოვება.

ჩვენი ქვეყნის წინაშე მდგარი ამოცანების გადაწყვეტა დაკავშირებულია უპირატესად გამიზნული, სწორი და ეფექტიანი საგარეო ეკონომიკური საქმიანობით.

საქართველოსთვის, რომელიც ჯერ კიდევ განვითარებადი ეკონომიკის მქონე ქვეყანაა რამდენიმე მნიშვნელოვანი ამოცანაა წინა პლანზე:

- ქვეყნის ეკონომიკური უსაფრთხოების დაცვა და საერთაშორისო ბაზარზე ინტეგრაციის რისკების მინიმიზაცია;

- სამართლიანი ვაჭრობის დამკვიდრებაში აქტიური მონაწილეობა, ამ მიზნით ვაჭრობის მსოფლიო ორგანიზაციის წევრობის ფართოდ გამოყენება;

- სამაშულო წარმოების ექსპორტისთვის ხელისშეწყობა და საზღვარგარეთის ქვეყნებში საქართველოს მეწარმეობის განვითარების სტიმულირება;

- ბრძოლა უცხოეთში საქართველოს მეწარმე სუბიექტთა დისკრიმინაციის წინააღმდეგ.



საქართველოსა და მსოფლიოს წამყვანი ქვეყნების ეკონომიკური სფეროს კანონმდებლობასთან ჰარმონიზაციასა და აუცილებელი საერთაშორისო ხელშეკრულებების გაფორმებაზე მუდმივი ზრუნვა;

- თანმიმდევრული მუშაობა პრიორიტეტულ სფეროებში უცხოური ინვესტიციების მოზიდვისთვის;

- ფინანსთა სამინისტროსთან ერთად საგარეო ვალდების მომსახურება;

- ევროკავშირთან ეკონომიკური თანამშრომლობის სრულყოფა და გაფართოება.

მოქმედი კანონმდებლობისა და დებულებების შესაბამისად, საქართველოს საგარეო საქმეთა სამინისტროს ეკუთვნის ძირითადი როლი საგარეო ეკონომიკური საქმიანობის განხორციელებაში, რაც ხაზგასმულია სამინისტროს ფუნქციითა ჩამონათვალში:

„ა) საქართველოს პარლამენტის მიერ განსაზღვრული და საქართველოს პრეზიდენტის მიერ წარმართული საგარეო პოლიტიკური და ეკონომიკური კურსის კონკრეტულ მიმართულებათა განხორციელება საქართველოს კანონმდებლობისა და საერთაშორისო ვალდებულებების შესაბამისად;

ბ) საქართველოს მდგრადი განვითარების უზრუნველსაყოფად საგარეო ხელშემწყობი პირობების ფორმირება;

გ) ერთიანი საგარეო პოლიტიკური და ეკონომიკური კურსის განხორციელების მიზნით საერთაშორისო ურთიერთობების წარმართვისას აღმასრულებელი ხელისუფლების ორგანოთა კოორდინირებული მოქმედების უზრუნველყოფა;

დ) მიზანმიმართული საქმიანობა ევროკავშირთან და ევროატლანტიკურ სტრუქტურებთან საქართველოს თანამიმდევრული და სრული ინტეგრაციის პროცესების ხელშეწყობის მიზნით...

თ) საზღვარგარეთის ქვეყნებიდან და საერთაშორისო ორგანიზაციებიდან უცხოური საინვესტიციო კაპიტალის, ტექნიკური და ჰუმანიტარული დახმარების მოსაზიდად სათანადო ღონისძიებათა განხორციელება.” [საქართველოს მთავრობის დადგენილება №2062005 წლის 16 ნოემბერი, ქ. თბილისი “საქართველოს საგარეო საქმეთა სამინისტროს დებულების დამტკიცების შესახებ” მუხლი 2.]

ამ ფუნქციებისა და მასთან დაკავშირებული მიზნების განხორციელება ძირითად ნაწილში ევალება საგარეო საქმეთა სამინისტროს საერთაშორისო ეკონომიკურ ურთიერთობათა დეპარტამენტს.

საქართველოს საელჩოებში საზღვარგარეთ, მათი მცირერიცხოვნობის გამო არ არის ჩამოყალიბებული ქვედანაყოფები, რომლებიც ეკონომიკურ პრობლემებზე იმუშავებენ, თუმცა ამ საკითხებზე უმრავლეს საელჩოში მუშაობენ მრჩეველები ეკონომიკის საკითხებში, ან რომელიმე მაღალი რანგის დიპლომატს შეთავსებული აქვს ეს პრობლემატიკა.

საგულისხმოა, რომ საერთაშორისო ეკონომიკური დეპარტამენტი საგარეო საქმეთა სამინისტროს ყველა ადრინდელ სტრუქტურაში დამოუკიდებელ ერთეულად ჩანს: 1992 წელს შეიქმნა დეპარტამენტის შემადგენლობაში მხოლოდ 2 ქვედანაყოფი ფუნქციონირებდა: 1. ორმხრივი ურთიერთობების სამმართველო; 2. ევროპისა და ამერიკის ქვეყნებთან თანამშრომლობის განყოფილება. [საქართველოს საგარეო საქმეთა სამინისტროს არქივი ფონდი 1206, აღწერა 1] სახელმწიფოს განვითარების კვალობაზე საგარეო საქმეთა სამინისტროს ინტერესთა სფეროდ ფართოვდება. უკვე 1993 წელს საერთაშორისო ურთიერთობების დეპარტამენტის შემადგენლობაში ქვედანაყოფებად ფორმირებულია:

- ორმხრივი ურთიერთობის სამმართველო;
- ევროპისა და ამერიკის ქვეყნებთან თანამშრომლობის განყოფილება;

- აზიის, აფრიკისა და ოკეანის ქვეყნებთან თანამშრომლობის განყოფილება;

- რეგიონალურ ურთიერთობათა სამმართველო;

- დსთ-ს ქვეყნებთან ურთიერთობის განყოფილება;

- ევროკავშირთან ურთიერთობის განყოფილება;

- საერთაშორისო ეკონომიკურ და საფინანსო ორგანიზაციებთან ურთიერთობის განყოფილება. [საქართველოს საგარეო საქმეთა სამინისტროს არქივი ფონდი 1206, აღწერა 1].

ეს სახეცვლილება შემთხვევითი და ფორმალური არ არის, რამდენადაც საქართველო 1993 წლიდან აქტიურ თანამშრომლობას იწყებს ევროკავშირთან, ამავე წელს შეიქმნა საქართველოს მუდმივმოქმედი მისია ევროკავშირთან და ნატოსთან.

1993 წელსვე საქართველოში გაიხსნა ჩრდილოატლანტიკური საინფორმაციო ცენტრი, რაც ნათლად მიუთითებს იმაზე, რომ საქართველომ მნიშვნელოვანი გადაწყვეტილება მიიღო მთავარ სტრატეგიულ მიზნად ევროპულ სტრუქტურებში ინტეგრაცია დაესახა.

საგარეო ეკონომიკური ურთიერთობების საკითხებზე მუშაობა განსაკუთრებულ ცოდნასა და



გამოცდილებას საჭიროებს. მიუხედავად იმისა, რომ 2000 წელს საქართველოს საგარეო საქმეთა სამინისტროსთან გაერთიანდა ვაჭრობისა და საგარეო ეკონომიკური ურთიერთობების სამინისტრო, რომელიც კვალიფიციური კადრებით იყო დაკომპლექტებული, კადრების პრობლემა დღესაც აქტუალურია. საგარეო ეკონომიკური პროფილის საკითხებზე მუშაობას გამოცდილი, სპეციალური ცოდნისა და ეკონომიკის სფეროში პრაქტიკულად მომუშავე ადამიანები ესაჭიროება. სამწუხაროდ, ბევრი გარემოების გამო ვერ ხერხდება ასეთი კადრების მოზიდვა. უპირველესად ეს კონკურსის მოქმედი წესის და დიპლომატიურ სამსახურში ეკონომიკური განათლების მაღალკვალიფიციური კადრების ნაკლები ღტოლვით უნდა აიხსნას.

საგარეო - ეკონომიკური ურთიერთობების გაფართოება-განვითარება, მსოფლიო ეკონომიკურ სისტემაში შიინტეგრაცია, საქართველოს ეკონომიკური განვითარების მიზნით საერთაშორისო საფინანსო ორგანოებთან თანამშრომლობა დამოუკიდებლობის მოპოვებიდან აქტიურად მიმდინარეობდა და მიმდინარეობს რაზედაც მეტყველებს ამ მიმართულებით გადადგმული ნაბიჯების ზოგადი ჩამონათვალიც.

საგარეო ეკონომიკური პოლიტიკის დივერსიფიკაციის შედეგად ფართოვდება მისი გეოგრაფია. დღეისათვის საქართველოს სავაჭრო პარტნიორთა პირველ ათეულში შედიან ისეთი ქვეყნები, როგორიცაა აშშ, თურქეთი, გერმანია, აზერბაიჯანი, გაერთიანებული სამეფო, საფრანგეთი, სომხეთი, უკრაინა და საბერძნეთი.

აქედან გამომდინარე, ნათელია, რომ საქართველო აღარ არის დამოკიდებული ერთ, თუნდაც პერსპექტიულ ბაზარზე, რაც ადასტურებს, რომ ამაღლდა ქვეყნის ეკონომიკური უსაფრთხოების ხარისხი.

მიმდინარეობს გაერო-ს სისტემის ორგანიზაციებთან ურთიერთობების ინტენსიფიკაცია, ისეთებთან როგორიცაა: გაერო-ს ეკონომიკური და სოციალური საბჭო, გაერო-ს ეკონომიკური კომისია ევროპისათვის, გაერო-ს კონფერენცია ვაჭრობასა და განვითარებაზე, გაერო-ს სამრეწველო განვითარების ორგანიზაცია, რეგიონალ ორგანიზაციებთან სამხრეთ ევროპის თანამშრომლობის ინიციატივა და ცენტრალური ევროპის ინიციატივა 2000 წელს საქართველოს გახდა ვაჭრობის მსოფლიო ორგანიზაციის სრულუფლებიანი წევრი.

ვითარდებოდა და ვითარდება ურთიერთობები გაერო-ს სურსათისა და სოფლის მეურნეობის ორგანიზაციასთან, სოფლის-მეურნეობის განვითარების საერთაშორისო ფონდთან და მსოფლიო სურსათის პროგრამასთან, რაც

ხელს უწყობს საქართველოს აგრარული ინფრასტრუქტურის განვითარებას. აღნიშნულ სტრუქტურებთან აქტიური თანამშრომლობით მყარდება ქვეყნის უსაფრთხოების ისეთი მნიშვნელოვანი ელემენტი, როგორიცაა სასურსათო უზრუნველყოფა.

ტრანსკავკასიური სატრანსპორტო-საკომუნიკაციო სისტემების განვითარება ჩვენი ქვეყნის სახელმწიფოებრივი აღმშენებლობის ერთ-ერთ ღერძული იდეაა.

საქართველოს ინიციატივა “დიდი აბრეშუმის გზის” აღორძინებასთან დაკავშირებით ცენტრალურ თემად იქცა ევროპის, კავკასიის, შუა აზიის ქვეყნებსა და საქართველოს შორის ნაყოფიერი ეკონომიკური თანამშრომლობისათვის. მიმდინარე პერიოდში აღნიშნული თემა კვლავ გააქტიურა.

ევრაზიული სატრანსპორტო-საკომუნიკაციო ღერეფის იდეის რეალიზაციისათვის დიდი მნიშვნელობა ჰქონდა ბაქოს სამიტს (1998 წლის 7-8 სექტემბერი), რომლის დროსაც შეიქმნა სამართლებრივი ბაზა რეგიონში ტრანსპორტის დარგში მრავალმხრივი თანამშრომლობისათვის.

ამრიგად, საქართველო გახდა რეგიონული პროექტების საკვანძო ელემენტი, რისი ნათელი დადასტურებაცაა ბაქო-სუფსის ნავთობსადენის ამოქმედება. ეს პირველი საერთაშორისო მნიშვნელობის პროექტია, რომელიც განხორციელდა რეგიონში. არანაკლებ წარმატებულია სხვა გლობალური პროექტებიც, როგორიცაა ბაქო-თბილისი-ჯეიჰანის ნავთობსადენი, თურქმენეთ-თურქეთის ტრანსკასპიური გაზსადენი და სხვა, რომელთა განხორციელებაში განხორციელდა ბაშიც დიდი საქართველოს როლი.

მნიშვნელოვნად განვითარდა თანამშრომლობა საქართველოსა და შავი ზღვის ეკონომიკური თანამშრომლობის ორგანიზაციას შორის. საქართველომ თავისი მნიშვნელოვანი წვლილი შეიტანა ამ ორგანიზაციის სრულფასოვან რეგიონულ ეკონომიკურ ორგანიზაციად ტრანსფორმირებაში. საქართველოს მხარის აქტიური მონაწილეობით გამოიკვეთა თანამშრომლობის კონკრეტული მიმართულებები და წამოწყებულ იქნა სამუშაო რეგიონში თავისუფალი სავაჭრო ზონის, ერთიანი ენერგო, კავშირგაბმულობისა და სატრანსპორტო ქსელების შესაქმნელად. ფუნქციონირება დაიწყო შავი ზღვის ვაჭრობისა და განვითარების ბანკმა, რომლის დამფუძნებელ შეთანხმებას 1994 წლის 30 ივნისს ქ. თბილისში მოეწერა ხელი.

შავი ზღვის ეკონომიკური თანამშრომლობის ორგანიზაციის განვითარების საქმეში მნიშვნელოვანი ნაბიჯები გადაიდგა საქართველოს



თავმჯდომარეობის პერიოდში (1998 წლის 22 ოქტომბერი-1999 წლის 30 აპრილი).

უნდა აღინიშნოს, რომ ახლად დაარსებული შავი ზღვის ეკონომიკური თანამშრომლობის ორგანიზაციის ოფიციალური ინაუგურაცია სწორედ თბილისში გაიმართა 1999 წლის 30 აპრილს. გარდა ამისა, თბილისში, საქართველოს ინიციატივით, მიღებულ იქნა შავი ზღვის ეკონომიკური თანამშრომლობის ორგანიზაციისა და ევროკავშირის შორის თანამშრომლობის პლატფორმა.

ხაზი უნდა გაესვას იმ გარემოებას, რომ გაიზარდა ევროკავშირისა და მისი წევრი-ქვეყნების ინტერესი შავი ზღვის ეკონომიკური თანამშრომლობის ორგანიზაციის მიმართ. ასე მაგალითად, იტალიას, ავსტრიას, გერმანიასა და საფრანგეთს ამ ორგანიზაციაში დამკვირვებლის სტატუსი აქვთ. აღსანიშნავია შავი ზღვის ეკონომიკური თანამშრომლობის ორგანიზაციის როლი საქართველოს ევროკავშირში ინტეგრირების თვალსაზრისით.

შავი ზღვის ეკონომიკური თანამშრომლობის ორგანიზაციის აქტიურად თანამშრომლობს გაერო-ს ინსტიტუტებთან.

საქართველოს საგარეო პოლიტიკურ უწყებას არა ერთი მნიშვნელოვანი ნაბიჯი აქვს გადადგმული საერთაშორისო ეკონომიკური საქმიანობის სრულყოფის მიმართულებით, ამ საქმეში იგი ყოველთვის გრძნობდა მეგობარი ქვეყნების მხარდაჭერას. რამაც უზრუნველყო 2008 წლის რუსეთ-საქართველოს ომით მიყენებული ზარალის, ეკონომიკური პრობლემების დაძლევა მოკლე ვადაში. თუმცა ეკონომიკური პრობლემები ქვეყნის შიგნით კვლავ აქტუალურია და ხელისუფლება დღენიადაგ მათ გადაჭრაზე უნდა იყოს ორიენტირებული.

საგარეო საქმეთა სამინისტროს ეკონომიკური ამოცანების შესაბამისად თავის საქმიანობას ახორციელებენ საქართველოს დიპლომატიური წარმომადგენლები საზღვარგარეთია ქვეყნებში. 1991-2000 წლებში რიგ ქვეყნებში მუშაობდნენ საქართველოს სავაჭრო-ეკონომიკური წარმომადგენლები, რომლებიც გარკვეულ სამუშაოს ასრულებდნენ. [არქივი 1206], თუმცა მათი საქმიანობა არაფერქტიანი იყო, იმდენად რამდენადაც სავაჭრო ეკონომიკური წარმომადგენლების მუშაობა უმრავლეს შემთხვევაში არ ფინანსდებოდა სახელმწიფო ბიუჯეტიდან, მათი მიკუთვნება დიპლომატიური სამსახურისადმი პირობითად შეგვიძლია მივიჩნიოთ.

უკვე თითქმის ორი ათეული წელია საზღვარგარეთ საქართველოს დიპლომატიური წარმომადგენლები ორიენტირებულნი არიან გადაწყვიტონ შემდეგი ამოცანები:

- სავაჭრო-ეკონომიკურ სფეროში ადგილსამყოფელ ქვეყანასთან საქართველოს თანამშრომლობის განვითარება ყველა დიპლომატიური ხერხითა და საშუალებებით;

- საქართველოს ბიზნესმენებისთვის ხელის შეწყობა ადგილსამყოფელი ქვეყნის მეწარმეებთან, სამინისტროებთან და უწყებებთან, საფინანსო ორგანიზაციებთან;

- ინფორმაციის მოპოვება და შეკრება ადგილსამყოფელი ქვეყნის ეკონომიკის, საფინანსო სისტემის, სავაჭრო-ეკონომიკური კავშირების, შიდა ბაზრის კონიუქტურისა და მოქმედი კანონმდებლობის შესახებ;

- საქართველოს ბიზნესის ორიენტაცია პოტენციურ პარტნიორებთან დაკავშირებით, მომგებიანი კაპიტალდაბანდებებისა და ინვესტიციების განთავსებასთან დაკავშირებით და დახმარების აღმოჩენა მათთვის საქმიანი კონტაქტების დამყარებაში.

თითოეული საელჩო, დიპლომატიური წარმომადგენლობა თავისი შესაძლებლობის ფარგლებში წვევს აღნიშნულ ამოცანებს.

სავაჭრო-ეკონომიკური კონტაქტების განვითარება ბევრად არის დაკავშირებული სახელმწიფო ბაზის სრულყოფასთან, მათ რიცხვში ორი უმნიშვნელოვანესი ორმხრივი ხელშეკრულების გასაფორმებლად, როგორცაა ორმაგი დაბეგვრის თავიდან აცილებისა და ინვესტიციების დაცვის შესახებ. საქართველოს ამ თვალსაზრისით სერიოზული ნაბიჯები აქვს გადადგმული ხელშეკრულება ორმაგი დაბეგვრის თავიდან აცილების შესახებ გაფორმებულია პრაქტიკულად საქართველოს ყველა სავაჭრო პარტნიორთან.

საქართველოს საგარეო საქმეთა სამინისტრო საერთაშორისო სავაჭრო-ეკონომიკური საქმიანობის გაუმჯობესებისა და კავშირების გაღრმავების მიზნით აწყოებს მნიშვნელოვან აქციებსა და ღონისძიებებს: შეხვედრებს, თათბირებს, ფორუმებს, კონფერენციებს, გამოფენებს და სხვა.

პირველი თავისი მასშტაბით უპრეცედენტო ღონისძიება შავი ზღვის ეკონომიკური თანამშრომლობის ფარგლებში საგარეო საქმეთა სამინისტროს ორგანიზებით ჩატარდა ჯერ კიდევ 1994 წლის 26-30 ივნისს თბილისში. საქართველომ უმასპინძლა შავი ზღვის ეკონომიკური თანამშრომლობის ორგანიზაციის მონაწილე ქვეყნების საგარეო საქმეთა მინისტრების მე-4 შეხვედრას. [1206 არქივი გვ. 24 წიგნი 1,2]

დასკვნა

მიუხედავად იმისა, რომ საგარეო ეკონომიკური საქმიანობა პერმანენტული პროცესია, ხოლო მსოფ-



ლიოში მიმდინარე პროცესები ახალ გამოწვევებს აყენებს სხვადასხვა კრიზისებისა და ნეგატიური ეკონომიკური პროცესების გამო, ქვეყნის ხელისუფლება მოდუნებისა და ინერტიულობის გარეშე უნდა ახორციელებდეს თანმიმდევრულ პოლიტიკას საერთაშორისო ასპარეზზე სახელმწიფოსთვის სასარგებლო გარემოს შესაქმნელად.

საქართველოს საგარეო პოლიტიკური უწყების საერთაშორისო ეკონომიკური საქმიანობა კვლავ აქტუალურ პოლიტიკურ დღის წესრიგშია. „2014 წლის განმავლობაში მიმდინარეობდა მუშაობა საქართველოს ეკონომიკური დიპლომატიის როლის მკაფიოდ ჩამოყალიბებისა და ამ სფერო-

ში საქართველოს ხელისუფლების შესაბამისი სტრუქტურების კოორდინირებულად მოქმედების უზრუნველსაყოფად. შაგარეო საქმეთა სამინისტრო აქტიურად მუშაობდა სავაჭრო-ეკონომიკური ურთიერთობების გაღრმავების, პარტნიორ ქვეყნებთან ორმხრივი ურთიერთობების ხელშეწყობის, უცხოური ინვესტიციების მოზიდვის, ქართული პროდუქციისათვის პრეფერენციული საექსპორტო პირობების შექმნის, საექსპორტო ბაზრების დივერსიფიცირებისა და მსოფლიოს ლიბერალურ ბაზრებთან ინტეგრაციის ხელშეწყობის თვალსაზრისით“. [საქართველოს საგარეო საქმეთა სამინისტროს 2014 წლის ანგარიში, გვ.73].

გამოყენებული ლიტერატურა

1. საქართველოს კონსტიტუცია, თბ., „რაიზი“, 2014.
2. საქართველოს კანონი „დიპლომატიური სამსახურის შესახებ“, 2007.
3. საქართველოს კანონი საჯარო სამსახურის შესახებ თბ., 2007.
4. დათაშვილი ვ. ტექნოკრატია და გლობალიზაცია: [თეორია, მეთოდოლოგია, პრაქტიკა] - თბ.: ტექნ. უნ-ტი :ევროპ. უნ-ტი, 2006. - 587გვ.
5. დოდონაძე შ., იაშვილი გ., „საჯარო სამსახური საქართველოში-რეფორმები, გამოწვევები, ელექტრონული მთავრობა“, თბილისი „ცის ნაში“, 2013, 429 გვ.
6. თ. მაგუტაძე. გავიგოთ პოლიტიკა, თბ., 2010.
7. რობერტ არტი, რობერტ კერვისი, საერთაშორისო პოლიტიკა მუდმივი ცნენები და თანამედროვე საკითხები, ილიას სახელობის უნივერსიტეტის გამომცემლობა, თბ. 2011, 620 გვ.
8. რონდელი ა., პატარა ქვეყანა საერთაშორისო სისტემაში, გამომც. „მეცნიერება“, თბ., 2003, 263 გვ.
9. ჯოლია გ., საერთაშორისო ეკონომიკური ურთიერთობები თბ.: მეცნიერება, 2002 – 27 გვ.
10. ჯოლია გ., საგარეო ეკონომიკური საქმიანობის ეკონომიკურ-სამართლებრივი რეგულირება: პოლიტიკა-თეორია-პრაქტიკა / თბ., 2004. - 147გვ.
11. საქართველოს საგარეო საქმეთა სამინისტროს არქივის მასალები.
12. Henri Kissinger, Diplomasy, Simon&Schuster NewYork • London • Toronto • Sydney • Tokyo • Singapore, 1997. 1021 p.
13. David H. Rosenbloom Public Administration , The McGraw –Hill Companies, Inc., 2008 p. 594.
14. Василенко И.А. “Административно-Государственное управление в странах запада”, Издательство “Логос”, М.: 2001, 289 ст.

SOME ASPECTS OF EXTERNAL ECONOMIC ACTIVITY OF GEORGIA

KONSTANTINE SABIASHVILI - PhD OF GTU
E-mail: k.sabiashvili@icloud.com

Summary

Georgian economics is in developments process and the most important for its development are foreign economical activities, so called Economical Diplomacy. According to the Constitution of Georgia and Georgian legislation in force an international economical activities and foreign trading is an exclusive right of the central government; that is why the Ministry of Foreign Affairs coordinates foreign economical activities. For this purpose appropriate structures are established in the Ministry and successive events are held.

The most important steps were made during the first few years of economical cooperation. There are UN Structures of Economical Profile, Black Sea Economic Cooperation Organization, World Trade Organization, World Bank, European Bank for Reconstruction and Development, important steps are made for close relations with EU that finally will give an opportunity to Georgia to become a full member of the European family.

Reaction for the foreign economic challenges was and remains the top goal of the government of Georgia.